

2838.270/0

0008

《惠安鄉土志》无分卷

(分36课)

(民国)杜唐編

民国二十三年岁次甲戌

(1934年)铅印本

一册(全)

「板本根据
杜唐自序文
未刻：民国二十
三年七月廿案
而考定。」

史：地理
志

惠安鄉土誌

序

今試問生為惠安民衆而不知故鄉之地理如何及
治如何人物如何可乎則皆曰不可然而忽近圖遠
能講五大都洲而不能詳一小鄉曲民衆究竟不知
不覺不惟古事盲心即目前亦啞口也故唐擬於民
衆教育出版部當以鄉土誌為先着欲改良惠安先
使民衆知惠安自宋太平興國六年分域至今進化
到何地步而後可補其不足革其不良而勉為新惠
安但此志非自今始著也唐於民國十五年秋已出
版編作三十二課為小學教授之課本補史地所不


及至十七年星洲惠僑欲知鄒土以發愛國之觀念
再版使兒童讀矣不旋踵又購盡無一餘本嗣後唐
在鼓良興英華書院教授八載出版惠安古蹟新詠
稍離故鄉少與民衆接觸遂不暇再整理此志去

梓重鐸惠安中學今春四月奉委長民衆教育館
自愧冬烘不堪對此 而既屬義務性質自不獲
辭故謹就所見貢獻於民衆惟前三十二課 邑
志例茲增而三十六課則按新省志例而參酌之課
各一門內容因 變遷有刪改有添置雖限於篇
幅不能纖毫畢至然於邑志之重要無不搜括而出

鑒其已往多以現在豫計將來民衆手此一編而讀
之或者發愛鄉思想踐先賢之遺跡能建前人未建
之功未可知也識見淺陋謬誤之處在所不免閱者
有能匡我不逮乎則當銘感無既矣

民國二十三年七月惠安縣立民衆教育館館長印

陶杜唐自序



第一課 疆域

一位置 惠安位於閩南，距閩侯省垣三百餘里，正北曰白水鋪，距縣四十里外，則楓亭，正南曰北鎮，距縣五十里外，則晉江，後渚，正西曰螃蟹嶺，距縣四十五里外，則晉江，白洋，正東曰小岞，距縣四十五里外，則大海，西北為東坑寨，後達仙遊，下安里，西南則虎窟，是晉江市，東北則黃崎，東南則大岞，俱臨海。

二名稱 其名惠安者，或謂因太平興國間古縣易惠安，若逢崔知事送我上青山之讖也，或謂因嶽神封靈惠王，張悃封靈安王，二神甚著名而稱也。

未知孰是

三沿革 惠安古為七閩地秦筑閩中漢曰冶縣東

漢曰會稽三國吳安晉安晉安宋齊曰晉平

梁陳曰南安隋曰泉州唐曰武榮五代曰 至

宋太平興國六年始分晉江東北地而置縣焉由

元而明而清至 沿其舊

四區域 前分為文質信義行滿忠恕四鄉十八里

三十四都置保正副到康熙二年改為六十八舖

近則分稅區為附廓塗寨東嶺崇武東園后港洛

陽輞川壩頭黃塘十一區茲自治區又將后港合

合東園塗寨合崇武朝川合附廓改為七區

第二課 緯候

惠安緯線在赤道北二十五度弱經線在舊燕京二度強其氣候溫暖與晉邑同春多颶風夏秋間陰雲湧起大帽山前後鬱結不散必有暴風大雨俄頃即止東北風三時常有飛沙揚塵難於逆旅農人多憂早清明後南風為多霜降後北風為常反是則大風將作天邊有虹如帆如鷺尾皆颶將至海水多穢或蛇浮水皆颶將至近海者宜慎之

第三課 大事記

一兵事 宋代海盜頻起至端宗航泉蒲壽庚拒而
降元略地至惠廬舍典籍抄燬無遺元至正時湖
頭賊張治罔肆掠而虎窟築寨明洪武時倭掠郡
邑嘉靖時倭又逼城林咸李愷張宇禦之而林咸
陣亡塋鴨山清康熙時戰於塗嶺旋敗退十九年
鄭經將軍朱天貴據崇武秀塗而我邑王烈擊退
至咸豐時林竣反有邱二娘挾妖術來攻城未幾
平同治末惠多盜匪却掠時聞王按司德榜用重
典而道路乃可行嚴明公正以殺止殺至光緒時
民有小康可樂矣

二災祥 宋至道三年甘露降治平地震有聲如雷

崇寧九年大 有渴死明宏治六年七月初三

大風雨自卯至申發屋瓦折林木 沒不可

勝計十二年甘蔗生花結實如黍是年饑嘉靖廿

九年訛 墮地婦人犯之輒昏仆桃枝鞭之

乃疏崇和樟腦為之妖乃息萬歷廿四年八月颶

風大作九月大震洛陽橋欄圯乾隆時碣石橋大

格夜發火自焚三十年街上行人忽冷風吹過辭

子不知何人割去凡載此災祥非徒為談資亦所

以使人修省也

第四課 山川

險要 西北背山東南面海元末變起莆中始寨
白水明永樂間有島夷患乃造沿海五城東南有
警輒備虎窟而最要莫崇武大岞孤懸海外上與
莆之南日湄州下與晉之永寧祥芝相為犄角邑
北之沙格峯尾東北之黃崎小岞南之獺窟皆縮
居內地藉崇武大岞為聲援善制險者當籌以防
之然近則築火山為寨以防城矣

二山脈 山自德化戴雲發脈至晉江吳洋村分一
支北行循日曝嶺為觀音山為塗嶺白水與仙遊

隔界其南至五公山是為北紀分一支東南行至
晉江廬田迤南循螃蟹嶺至田船報劬山抵洛陽
與晉江隔界是為南紀迤東循芹嶺至鷄籠山三
髻山又東北至大帽其南為雲峯山東平卧龍至
螺山轉北為峯崎轉南為盤龍轉東為城山文筆
靈瑞安崢峯大岓是為中紀

第五課 水利

一水勢 邑諸水自西北發源循山勢東南由澗而
溪而埭而港而海正北曰傳埭東北曰漆奇港正
南曰馬山埭西南曰洛陽港正東曰峯崎港東南

曰前林港北紀諸山之水入傳埭與添奇南紀諸
山之水入傳埭與添奇南紀諸山之水入馬山埭
洛陽港惟中紀諸山之水出大帽及出縣左右山
谷間者則入峯崎

山文筆而東者則入前

林港

二橋梁 萬安橋在邑南二十里為宋蔡襄建三千

六百尺翼以扶欄灑水為四十七道誠閩南一巨

工也通濟橋在邑東五里宋黃時亨建有記碣石

橋在邑北二十五里宋邑令張介建谷口橋在西

南三十里洛陽木橋自楓往泉直達陳三壩至晉

江今已圯矣。輞川橋在邑北十五里，渡潮汐出入。明蔡清有紀，餘如青龍橋在邑東北十里，仁壽橋在邑北三十里，均有名。

第六課 城市

一城 縣治在螺山之陽，去府城東北五十里。屢燬於元，明洪武後始闢廳事，翼兩廊，重建譙樓，舊無城。嘉靖卅一年，以倭故巡撫王公忬請省金萬五千七百有奇，以授知事俞文進。一年告成，周圍九百八十六丈五尺，零城門四，今東北增一門，水涵七樓，四外則崇武、輞川、小岞、獺窟、黃崎、峯尾以及

洛陽俱有城遺址猶存焉

二市一邑中有市為貨物集中之點近改設為十字街雖不及宗武輞川洛陽東園秀塗均闕厦輪船運到之便利然近有車路亦易發達西有黃塘田船北有塗嶺峯尾沙格東有塗寨東嶺西埔街南有芸頭門頭懶窟各建墟市焉

第七課 名勝

惠安科峯為宋廬潛聖讀書處螺山為崔拱父子讀書地文筆為梁克家先人墓一片瓦有戴卓峯石室淨峯為張襄惠發祥名山均有石刻有遺址有風景

可觀至太岵八景如白鶴升天犀牛望月滴水彈琴
石鐘石鼓孤嶼冬青三山一洞而以龍喉吐霧獅石
蓬島為著與夫松洋洞之老藤亦

若其邑之

鳴皋堂見梅亭雪洞岳陽樓涉園南園鄉之龍山錦
谿書

堂均頽圯無存惟美女峯為閩王審知

后生長地盤龍山為廣武王潮陵寢處是終古不沒

第八課 戶口

康乾時域內分七鋪城外分六十一鋪共有一千五
百四十餘鄉戶共三萬一千強丁口共二十五萬弱
至道光十一年地方官親臨各鄉查照編冊造報戶

口倍增男婦大小丁口有五十萬弱並衛所屯丁在
內迄今百餘年調查戶口尚未實行近自治區約報
四十萬左右增減大約無幾由此按之可知

第九課 物產

植物穀類則粟麥黍地瓜豆荳花生為大宗蔬類則
芥葱瓜菲蒜為最著木類則松柏檜樟榕竹為著果
類則桃李荔枝龍眼蔗柚為多動物毛族則馬牛犬
豕雞鵝鴨貓為家畜鱗族則鯽帶黃魴鱧鯉為著介
族則蟹龜鱉蝦蜃鱉為常礮物則硃砂金銀銅鐵
煤雲母均有而最著者淮山腰埋邊之鹽至王孫走

馬埭之青脆玉昌湖之青石洛陽之牡蠣型厝之
蠶崇武前內之柔魚扁魚亦吾邑之特色

第十課 實業

吾邑男耕女織從前夏布吉貝布最生利至機器織
興而此業轉廢雖有幾處設織布廠亦以虧本中止
且東嶺山盡墾土不植一株西北山多稱童不樹一
果而濱海漁鹽平原耕種近山種植尚未切實改良
曷怪地瘠民貧遠涉南洋羣島也近瓦窰灰窰磁窰
拙窰鴨房蜂房日漸發達亦實業一轉机當局者宜
極力提倡之

第十一課 賦稅

一田賦 據嘉慶八年載原存官民田地二千四百

頃弱即二十四萬畝十六年呈報實徵也丁等銀

二萬一千三百八十四兩五錢零米三千三百零

五石九斗七升零民國初議會定以每錢銀二百

五十八文每升米六十三文零二毫每惠票三十

文加修志費三文每戶徵收費二百文抽七十為

議會費餘分文不得勒索今糧櫃全數每年繳四

萬多元而丁米未總核田畝未丈量戶口未調查

浮收弊端何從剔革當道不可不注意也

二雜稅 雜稅隨時局而增減價格不定實有難言
現據惠安款目而論國家稅如鹽稅烟酒稅印花
稅皆為大宗省稅如契稅屠宰稅營業稅房鋪捐
地方稅如漁捐香楮捐船牌捐牙捐戲捐菜館捐
米粉捐婚書捐等取歸行政教育者有定額而包
辦者浮收至數倍有治法尤貴有治人安得慎選
公正人員起而承之使民不哀苦乎

第十七二課 度支

道光志載縣長俸銀四十五兩巡檢典史各三十一
兩教諭訓導二員八十兩廩生二十名五十七兩有

舉人進士旗匾銀有文武廟祀銀有給孤貧銀量入
為出未嘗有竭蹶之虞近縣政府費合警備監獄費
每月一千二百多元黨部費每月二百四十元全縣
教育補助費每月一千六百五十二元零並無慈善
祭祀費而屢左支右拙不能接濟茲七區公所成立
每區預算三百元每月應二千一百元民之負擔益
無不怨政府盍預算決算公布於民使樂於輸將乎

第十三課 職官

舊制文則縣長丞典史良興司巡檢教諭訓導武則
惠安設汛有
總而洛陽芸頭獺窟崇武黃崎

沙格奎嶺亦設馬光復後知事總邑

隸屬典

獄承審二員警察所長知事兼任設警佐一以掌警
務軍隊隨時調防或團或營或連無定制去頭崇武
易為警察山腰埕邊鹽場皆任鹽兵縣議會廢易為
黨部統一黨共和黨廢易為教育農工商會近則警
察改為保衛團而全縣分為七區設區長及佐理實
行鄉官自治焉

第十四課 學校

宋時入學分三舍明時社學十二所清有文峯書院
有老師月課有官課師課人各自學近改為學校邑

有縣立螺陽二中學有縣立小學惠安公學附設女子部崇德時化亦附設女子部又有立人元華明德新民文萃等小學有邑而東則有守欽塗皋宗武西則有霞西田船南則有梅山洛陽道南北則有錦山壩頭塗嶺諸小學措皆普通尚少實業且無書報社宣傳所而勸學所易為教育局今改局為科無獨立機關設民衆教育館內於閱覽部講演部健康部教學部出版部將次第舉行焉

第十五課 武備

宋熙寧行僱募法選少壯者以充免一身丁役紹聖

再行催募本縣額七十名置營於此明制有民壯主
緩急警捕崇武有千戶峯尾黃崎小岞獼窟有軍官
弓兵防守沿海之地洪武初倭寇登岸令民三丁抽
一以防之民壯初五十人正德中大帽山有警增到
二百五十人派全縣出錢催募每丁出銀八分米一
石出銀一錢每名七兩二為月衣食費清康熙時設
守備一員駐邑設巡司於崇武黃崎峯尾獼窟大小
岞後易以汛防近則各處設鄉團城有駐防非團
營非營即連亦無一日無武備矣

第十六課 選舉

自唐陳嘏及第後宋梁克家狀元雖晉汝而本自文
筆明呂濱溪探

州而原自崇武與米黃宗旦

榜眼可稱三及俱備至入翰林有林之濬出科聯恩

翰林有曾錫嘏陳黨青若解元文則有張岳陳文選

江日升出科聯駱天衢武則有孫其賢李岳英黃雄

潘濟安黃開先吳振拔劉大用何聯上陳兆勳等在

宋時諸科進士十九明經免解一鄉舉四特奏二八

行科舉五十宋進士共七十六人元第進士者惟盧

琦而已明第進士者共四十三人清文進士十九人

武自明迄清侍衛進士亦十九人至於舉貢不盡計

今科目廢易以學位近有中國大學畢業亦有留學
外國來者文理法教商醫諸學士碩士均接踵焉

第十七課 交通

邑雖小而地當孔道要衝電報局設在毛厝郵政局
設在城隍口其分局各處均有航路則崇武大岞洛
陽秀塗輞川峯尾皆通若車路南北幹線則惠洛惠
楓支線東則惠塗西則惠田南則惠鴨惠芸惠東均
通車已久惠崇惠輞亦開築成路航空則於南門外
近山前處而闢一場至於前所謂楓亭驛晉安驛錦
田驛各站均傾圮無存矣

第十八課 外交

自江寧條約開廈許外人傳教通商於芝罘巴洛陽芸
頭設有海關邑天主耶穌各建教堂東西南北各埠
均分堂天主護自法國耶穌護自英國神父牧師為
民教爭執交涉日繁並設學校此自外而內也至我
邑向外發展者嶼頭霞美等鄉則在菲律賓濱東園許
內等處則在星洲及仰光均有建設工廠與五洲爭
商權現住家鼓浪嶼者多我邑地瘠若無外交才則
汲長縵短挹注為難故因貧苦而出洋謀生者無數
此自內而外也

第十九課 禮俗

一禮儀 鄉飲酒迎春鄉射投壺救護日月諸禮廢而春秋祭丁冬至祭祖清明祭掃諸禮猶存冠昏雖不親迎而三日廟見探井謁竈拜訪舅姑禮尚有行喪祭雖不能盡合朱子家禮而躄踴哀呼持杖穿麻七旬三旬二獻三獻禮猶在者近結昏易以文明喪祭易以追悼三跪九叩易以鞠躬為便利起見從之可也

二俗尚 正月天香迎神上元張燈作樂除夕爆竹喝彩蒲節挿松懸艾結續命絲七月孟蘭延僧演戲

此俗尚雖陋猶可原也死重風水停棺至數年不塋
設僧場演愧儡出塋好奢華女子重迷信每以可作
姑娘而招羣自殺或嫁後不生兒則長往父母家男
尚早婚每負債完娶而致家道中落此種均宜戒者
最慘惟爭閒氣尋私仇常結數鄉為械鬥不知衛生
有病則女巫男覘迎神賽會二者之害尤大矣

第二十課 惠政

惠中學本是義倉地因廢已久而改築為校舍崇武
舊有育嬰堂茲已就圮醫院建在東門外名為仁世
每年救濟病民甚多恤丐昔有養濟痲瘋兩院志載

嘉慶時每年給孤貧口糧衣布四百多兩逢閏加三十兩今多停止養老院孤兒院晉江已設在開元寺而吾邑尚無監獄狹窄犯苦不堪何人起而整理之

第二十一課 祠祀

文廟在邑治左崇聖祠在後左名宦祠右鄉賢祠皆特祀至社稷壇在邑北半里風雲雷雨山川壇在邑南半里皆明洪武建先農廟在縣東留山之麓清雍正建文昌祠在文廟左宋時尊經閣也康熙時建闕聖廟即文發書明崇禎建朱子祠在明倫堂後天后宮在邑南門外城隍廟在儒學左青誠廟在

邑南青山鋪鳳山通靈廟在邑南西湖鋪昭惠廟在
萬安橋皆有祀若林咸祠在聖堂在左張岳祠在樂
善鋪劉望海祠莊應楨祠皆在斜山戴卓峯祠在邑
城內亦各有祀今則或存沒祀典廢者已多矣

第二十二課 藝文

藝文為國粹所關立言亦堪不朽宋如王獻臣卧龍
集盧瞻高士集元盧琦詩集均久存焉明張淨峯恭
敬大訓温陵府志小山類索惠安邑志康盤峯温陵
文獻李愷介山詩文集黃士紳之邑志張正聲之惠
風集陳荆碧鑑鬚集駱台晉文集黃吾野詩集猶有

散見若清王其華四書衷要孫經世經傳釋詞孫蘭
孫歸田稿朱兆綱張閬仙張敏求邑志陳澍螺陽文
獻黃琬谿閩中文獻志則猶然可讀也其餘名媛詩
集如余端謚戴雲陳小蘊各出一家為吾邑光

第二十三課

金石

金石文字所以垂不朽我邑鐘鼎銅爐尚少傳世石
刻如洛陽橋碑為蔡襄書人稱三絕黃宗只靈秀山
記盧琦馬山棣記康朗萬安橋記李愷新建惠安城
記皆流名於世科峯劉望海祠記為何喬遠作小山
石刻為張二水書戴卓峯祠記為陳玉揮撰均昭然

者其餘石刻如一片瓦大岫山科峯石船等處亦有
可考

第二十四課

循吏 (名宦)

邑令為閭閻疾苦所關最宜賢者宋陳執中門無私
謁李旼與民休息人甚懷之元雷機以禮讓成化雷
燦為塗嶺巡檢死於寇均可稱者明萬夔則改建文
廟與文筆對而惠人科日日盛莫尚簡請襄惠修邑
志楊國章

紳修邑志林咸禦倭死於鴨山蕭

繼美為學田給寒士葉及春著惠

八郡傳以

為式趙玉成建文發書院有異績清李長庚浴南北

斗黨羽千 民得安堵王澤椿吳裕仁婁雲均主修
邑志徐觀巖緝盜賊呂涵撫卹饑疫吳忠振興文教
姚觀惠愛百姓下鄉一僕一役人不知為縣令均修
入志可為名宦焉

第二十五課 列傳 (鄉賢)

一卓績 宋黃禹錫於陳洪進納土時不從林居喬
亂以頭可斷賊不可為吳達老不以釅法困商李文
會不以沙堤誇里元盧琦永春特祀名宦明則余萬
祥使交却金曾蒼巖料款闕白康盤峯決獄武定張
廼嵩特糾魏閻若李抑齊之守城禦倭劉望海之寺

田免租張敏實之白虎奉罪朱一龍之嚴嵩不謁駱
台晉之旬難捐軀王愧兩之末路完節均人口藉藉
也在陳氏則潛哲荆碧以柏臺而流芳在莊氏則石
坡赤雉以紫薇而繼美而最著惟張淨峯三山志云
氣節文章蓋八閩而特起誠卓卓也清則黃大喬陳
瞻石之勤卒於官陳轉菴劉青涯之勞死於吏凡此
皆略舉以為後之來者欽式

二循良 黃納裕累官工部有古大臣風崔拱三世
五進士俱稱循良張惟德為刺史瀾孫善文章有氣
節溫革則名恥同豫吳岡則教孚峽邵黃學行教授

全州集歷朝先聖故實奠儀頌之太學謝寧補汝陰
厲氣操建學社選明師勤考課入於名宦張慎張宇
先後英德為治仿古循良陳煒知州陳煌知府陳輝
知縣時稱三牧張東湖先正遺風曾龍山三篋御史
王奇橙知益陽招撫巨盜與王以佐教授鎮江王仰
石力請免役可謂世濟其美李慎陳邊宜八事黃森
俊拒嚴嵩從子干請林富春令諸賢清丈侵田林會
春知所會制禦倭寇俱見有功於民郭北州任刑繫
閹死獄郭龍湖為戶
謹稽何在不可法也清
則許巖光號鉄耳刑廳張忝菴為鄭延平索

節究不屈朱兆綱馬邑墾荒黃瑤觀安邱簡淨亦均
載入循良可以借鑑

第二十六 儒林 (即理學)

宋之理學劉鏡為晦菴傳道張巽從南軒講學黃巖
孫為性理輯解真西山讀書記皆接濂洛真傳也明
張淨峯與王陽明爭學說王主尊德性張主道問學
亦如朱紫陽與陸象山各成一派江霄臺著太極圖
潘孟昆著中節家學道言三編曾憬稱為羽翼聖經
許朱研究濂洛陽關之學有功過格均可考也清張
楨為鏘孫朱又煥見其文曰此道學中人也以程朱

自命孫暢齊通經術少讀近思錄曰學者學為人四
子書及九經皆教為人非教為文也著說文會通爾
雅音疏釋文辨政經傳釋詞凡此均入儒林傳

第二十七課 文苑

唐陳叔為琬瑛宣宗器之宋黃宗旦幼賦早春祖禹
錫奇之及後與李慶孫齊名語曰國朝才子黃宗旦
天下文章李慶孫謝文龍與弟惟新陳覺民器之曰
二謝江右人物謝起宗善評經史江致堯有周禮解
各自成一家元謝子龍富於文與郭淳休齊著明洪
鍾刻孝經刊謨吳天成工詩賦古文黃士紳為春子

修續志駱日升張迎為序曾憬清源文獻稱第一張
伯羹九歲能文何鏡山稱為張氏里駒張聖聽為諸
生時陳荆碧見其文奇曰此子後來名進士也清則
林象湖文堪及第出科聯文冠閩闡張步瀛張敏求
俱以修邑志著凡此先哲其入苑傳誰曰不宜

第二十八課 武績

戡亂以武為國干城五代時有張悃訓練民兵巡青
山一帶俾桑麻無恙沒奉為神元則張性佑亦練兵
保護諸鄉至明洪武間海寇猶以香山

百戶

家而不忍掠清駱儼胡泮洪秉鈞皆以攻金廈克捷

功加都督

張勇張吉均以識水性治海寇陞

游擊陳鳴夏以侍衛而為提督陳如雄以都司而為
游擊兄弟俱有功王烈性嚴密在湖北萬山中匪皆
歛跡凡此皆吾邑武功卓著今日職保衛團者不可
不奉為先型

第二十九課

孝友

宋吳德彰因父出江湖傳言已卒無骸可拾刻木塋
於山異香不散鄰人名曰香山元陳元吉刺虎救父
明王定民雇舟養父陳輝事繼母如所生張迎因老
母以陳情張綸兄弟六人三母所出綸愛如子諸弟

事之如父清張元嘉為用修長子出嗣伯父燦事生
父母盡誠敬不以出嗣缺甘旨雍正時舉孝廉方正
毛錦獎親及廬墓遇疾風暴雨必至木像供奉勿倦
旱步禱輒觸陳明通事繼母駱氏每日自行市買魚
以供朝膳約家人無敢稱後孀陳玉德居喪廬墓三
年兄弟怡怡孝友可風此雖不合潮流然移孝作忠
移友事長未有不根本於是者

第三十課 忠義

福國利民之謂忠行事得宜之謂義五代時張瀾對
開闢王審知當崇文學勸農桑親鄰息微可稱忠義

明康朔嘗自銘座右以中庸五弗指之訓可以為學
曾子三自省之旨可以立身孟氏三自反之論可以
居鄉清盧仕擢為易之父因鄉染疫延醫施藥喪葬
助貲鄉人德之陳永年脩建學宮樂善好施其子文
輝廣其志治祠宇修譜牒以敦宗族修道路以便行
旅陳仕瑚俠烈慷慨督學駱日升聘入幕府值雲貴
兵變學使遇害德友仗義入賊巢覓尸負歸海盜掠
獺窟保護千餘人而死人曰義烈男子嘉慶時蔡牽
作海寇莊卓應募鄉兵率眾擒賊以至遇害暴尸澳
口知縣吳忠為

昭忠祠題曰獺窟義勇凡此

忠義皆有可觀

第三十一課

藝術

畫如黃子野寫真如石湖數如鄭仰田琴如鄭半村
張頤均明之著者清則龔彪善為松鶴大有聲價丹
青如張植人山水如黃彥標柯騰蛟顏霽光書法如
曾恆德有滋惠堂石刻行世朱中鼎學顏魯公碑版
文字多出其手洞簫如何匯海琴如何家駿亦皆有
名今學專門者醫學而外圖畫有炭粉鉛筆毛筆油
畫手工有精摺紙竹木土銅石石膏諸工音樂有精
風琴洋號簫絃者不可謂非吾邑文明之進步也

唐吳崇岳為龍興觀道士絕粒輕身出鶴巢與技低
昂陳平有幼術精址班乘牛到某處瞑目而化從者
至見土自湧埋尚留一掌示人因名其山曰陳平山
墓曰牛客墓清憚因擬捨地創院延為住持請額於
朝賜名報叻宋道詢為白沙真陽寺僧得純陽僧之
傳以扇麾之能退海潮宋道養為崑山寺僧能馴伏
猛虎明徹際為小平寺僧能法律通內典相國張二
公延主白毫庵清超宏亦徹際之徒邑諸生棄去二
詩與黃石齋詩文唱和圓珏住持曾爐寺工詩善畫
名士重之泉州馬提督題石上曰雲影濤聲

第三十五課 厲賢

三國黃興為吳孫權將棄居鳳山。唐韓偓忤朱全忠避地居於洋洞。羅隱十上春官不第居邑西螺山。今有羅隱壩。周朴避黃巢居邑西北產坑遂名朴坑訛為北坑。宋則仙遊蔡襄讀書於伏虎巖以母廬夫人惠產也。釋宗杲俗姓奚宣州寧國人禪理神悟孝宗禮重之嘗避亂居小谿雲門寺。明則晉汝陳琛為蔡虛齋高弟與蔡讀書鳳坑龜山書院。虛齋祖亦惠產也。清則釋明選福唐選汝林氏子來主雲門寺相公文貞公贈匾額。方翀晉江舉人邑侯徐發巖延主螺

陽書院講席。凡此皆屬賢也。至游賢宋則晉江歐陽
詹。崇安劉子翬。明則同安林希元。晉江何喬遠等。從
賢宋則梁克家。明則蔡清。俱遷晉江。又有呂旻而從
漳州矣。

第三十六課 雜錄

邑初置署時。主山者陳震。即卜螺山之下。遷張惻墓
于青山。天聖二年。令李旼於治署左。建城隍廟。以壯
脊龍勢。北關外嶽廟。大士樓。皆以補其不足。明隆
慶間。令葉春及。謂邑四北西南山。高俯瞰城中。當移
建於東領埔。地廣四面。不受敵。易開溝渠。以接

潮水通舟楫可免挑負之勞國可使
康熙間提

帥藍公理議於龍津陂溪尾濬渠引輞川潮水入港
融邑治無二里貿易之便視葉綱齋議洵為裕國
裕民之善計也使當日有贊而成之者二策或實現
其一吾民今時豈不受其樂利哉而竟因循不能建
設可惜孰甚